



IV GOVERNUN KONSTITUSIONÁL SEKRETARIA ESTADU KONSELLU MINISTRU

KOMUNIKADU BA IMPRENSA

Sorumutu Konsellu Ministru nian loron 27, fulan Jullu 2011

Konsellu Ministru hala'o Sorumutu, iha kuarta-feira ida ne'e, loron 27, fulan Jullu 2011, iha Sala Sorumutu Konsellu Ministru nian, iha Palásiu Governu, iha Díli, no analiza ona:

1. Dekretu Lei ne'ebé kria Komisaun Nasionál Desportu

Sekretáriu Estadu Desportu defini tiha ona Lei Baze sira ba Desportu no Komisaun Nasionál Desportu nian. Nune'e Dekretu Lei ne'e regula no delimita ninia kompeténsia, kompozisaun no funksionamentu hodi fó continuidade ba prosesu dezvoltamentu prátika desportiva nian iha Timor-Leste.

Komisaun Nasionál Desportu nian hala'o funsaun fiskalizadora, ba rezolusaun litíjiu administrasaun no dezvoltamentu desportu nian, ba promosaun saúde desportista sira nian, promosaun voluntariadu ba desportu i organizaun no kordenasaun ba asaun kombate hasoru hemu aimoruk bainhira hala'o desportu, violénsia iha desportu no dezviu sira seluk sistema desportivu nian.

Konsellu Ministru analiza mós:

1. Dekretu-Lei ne'ebé mak aprova Reglamentu Disiplina PNTL nian

Konsellu Ministru analiza ona nesesidade atu altera Reglamentu Disiplina PNTL nian hodi korrije impresizaun balun, hanesan mós espikasau ba konseitu, hodi ajusta konseitu sira ne'e ba lian tetun. Nia objetivu atu fó rezultadu ne'ebé diak ba interpretasaun no aplikasaun ba Reglamentu ne'e.

2. Dekretu-Lei ne'ebé aprova Rejimentu ba Emolumentu Rejistu no Notariadu

Ministériu Justisa apresenta tiha Rejimentu Emolumentu Rejistu no Notariadu ne'ebé estabeselese regra aplikável ba setór oioin iha rejistu no notariadu sira, tamba taxa sira hanesan obrigaun ida husi servisu ne'ebé Estadu halo ba utente benefisiáriu sira.

3. Dekretu-Lei kona-bá Ospital Servisu Nasionál Saúde sira

Ministru Saúde apresenta tiha proposta Dekretu-Lei ida ne'ebé hakarak atu estabese sistema servisu públiku ospitalár ida artikuladu no funsionál, ne'ebé mak eficiente no fó rezultadu. Dekretu-Lei ne'e tenki asegura, la'ós de'it ba ohin lora maibé mós ba aban-bainrua, nível prestasaun servisu ospitalár ida diak no nia dezvoltimentu.

4. Planu Tranzisaun Nasoins Unidas

Konsellu Ministru iha mós oportunidade atu hahú halo diskusaun kona-bá Planu Tranzisaun Nasoins Unidas nian.